

Ngā amuamu ka kore pea e angitu

Te reo Māori

Kāore Te Mana Whanonga Kaipāho i te whakaaro ka hua mai he take whanonga pāho i te whakamahinga o te reo Māori, he reo whai mana ā-ture nei, ā, ka kore ia e aro ki ngā amuamu mō te whakamahinga o te reo. Ko te whakamahinga o te reo, he take mā te kaipāho e whakarite. Kāore ngā kaipāho i te whai kawatau ki te whakahoki ōkawa ki ngā amuamu mō te whakamahi i te reo Māori.

[Ko KS me Te Reo Tātaki \(Television New Zealand Ltd\), Whakatau 2020-135](#)

He kupu kangakanga māmā

Ko te whakamahi takitahi i ngā kupu kangakanga māmā ka mokorea te takahi i ngā paerewa whanonga mō te pai me te tika, mō ngā take tamariki rānei, ina koa kei ngā hōtaka ka tohua ki te PG, piki atu, ki ngā hōtaka kawepūrongo rānei. Ko ētahi o ngā kupu me ngā rerenga kōrero ka kīia he kupu kangakanga māmā, koia ēnei ko ‘crap’, ‘bloody’, ‘bugger’, ‘wanker’, ‘pissed off’ me te ‘shit’. He kupu ēnei ka kore pea e kōwhiria e ngā tāngata katoa, engari kua uru mai ki ngā kōrero o ia rā. Kāore ngā momo kupu nei e whakaohore, e whakamuhani rānei i te tokomaha o te hunga whakarongo, engari pea ka pēnei i ētahi āhuatanga, hei tauira mehemea ka rite tonu te whakamahi, ka ririhau rānei.

[Ko Allison me Discovery NZ Ltd, Whakatau 2020-142](#) (wanker)

[Ko Richards me Te Reo Irirangi o Aotearoa \(Radio New Zealand Ltd\), Whakatau 2018-006](#) (shit)

[Ko Harvey me Te Reo Tātaki \(Television New Zealand Ltd\), Whakatau 2020-023](#) (bugger)

[Ko McCaughan me Discovery NZ Ltd, Whakatau 2020-165](#) (pissed off)

[Ko McCaughan me MediaWorks TV Ltd, Whakatau 2016-062](#) (piece of piss, bullshit, shit)

[Ko Jefferies me Te Reo Tātaki \(Television New Zealand Ltd\), Whakatau 2020-081](#) (shit, hell, bloody, pissing)

[Ko Lockyer me Te Reo Tātaki \(Television New Zealand Ltd\), Whakatau 2012-089](#) (crap, pissed off)

Te Whakaparahako Whakapono

Kei te mārāma Te Mana Whanonga Kaipāho ina ka whakamahia e ngā kaipāho ngā kupu e pā ana ki te whakapono Karaitiana, pēnei i te ‘God’, ‘Jesus’, ‘Christ’, ‘Hell’ me ētahi atu, hei kupu ohore, tērā pea ka whakamuhani tēnei ki ētahi tāngata. Heoi, kāore ēnei kupu i te whakaarotia hei kupu kangakanga, ā, i tō tātau taupori moroki, tukipū noa, ka whakamahia whānuitia ēnei kupu hei wāhanga nō ngā kōrero o ia rā. Kua rite tonu te whakatau a Te Mana Whanonga Kaipāho, kāore te whakamahinga o ngā momo kupu ka takina mai i a ‘Jesus’ me ‘Christ’ hei kupu ohore e whakakapatau i ngā paerewa a te taupori whānui mō te pai me te tika.

[Ko Bruce-Phillips me Te Reo Tātaki \(Television New Zealand Ltd\), Whakatau 2020-092](#) (Jesus)

[Ko McKane me Te Reo Tātaki \(Television New Zealand Ltd\), Whakatau 2020-118](#) (God, Holy Crap)

[Ko Nixey me NZME Radio Ltd, Whakatau 2020-037](#) (he wāhanga pūhohe e pā ana ki ngā tāngata Karaitiana)

Te Tauritetanga (i te roanga o te wā)

Kāore te paerewa tauritetanga i te tohu me rau atu ki te hōtaka kotahi ko ngā momo tirohanga katoa ka taea mō tētahi take pīroiroi. Ko tētahi āhuatanga matua ka whakaarohia e Te Mana Whanonga Kaipāho ina ka tirohia tētahi amuamu i raro i tēnei paerewa, ko te pātai mehemea e whai tikanga ana te whakaaro tērā ka mōhio ngā kaimātakitaki ki ētahi tirohanga kē ka pāhotia ki pāhotanga kē, tae atu ki ngā pāhotanga o ngā arapāho kē (arā, he take tēnei kei te taki tohetohea). Ka tino ruarua noa nei te whakaae a Te Mana Whanonga Kaipāho ki ngā amuamu e mea ana kei te whakapāho te kaipāho i tētahi tirohanga kotahi mehemea kei te matapakitia whānuitia tētahi take me ōna momo tirohanga whānui i wāhi kē.

[Ko Egan me Discovery NZ Ltd, Whakatau 2021-002](#)

[Ko Garrett me Te Reo Irirangi o Aotearoa \(Radio New Zealand Ltd\), Whakatau 2021-073](#)

[Ko Bidwell me Te Reo Irirangi o Aotearoa \(Radio New Zealand Ltd\), Whakatau 2020-003](#)

[Ko Cotterall me Te Reo Irirangi o Aotearoa \(Radio New Zealand Ltd\), Whakatau 2019-072](#)

Tā Te Tangata e Manako ana

Ka rite tonu te kore whakaae a Te Mana Whanonga Kaipāho ki te aro ki tētahi amuamu e pā ana ki ngā momo hōtaka e hiahia ana te kaiauamu kia whakaurua atu, kia kore rānei e whakaurua atu ki ngā pāhotanga e ngā kaipāho. He take tēnei mā te kaipāho e whakatau, me tā te tangata e manako ana. Ko te wāhi ki Te Mana Whanonga Kaipāho, ko te mātai i ngā amuamu mō te takahitanga o ngā paerewa pāho e ngā pāhotanga, kua ko te whakarerekē i ngā pāhotanga a te kaipāho kia rite ki tā te kaiauamu e hiahia ana.

[Ko Wratt me Mediaworks TV Ltd, Whakatau 2019-031](#)

[Ko Malcolm me Te Reo Irirangi o Aotearoa \(Radio New Zealand Ltd\), Whakatau 2016-018](#)

[Ko Sheerin me Mediaworks TV Ltd, Whakatau ID2017-022](#)

Te whai matatika e pā ana ki ngā kaitōrangapū me ngā tāngata e mōhioitia nuitia ana

Kei runga ake te taumata mō te takahanga i te paerewa matatika e pā ana ki ngā kaitōrangapū me ngā tāngata e mōhioitia nuitia ana i tērā mō ngā tāngata kāore i te tino whai wāhi ki ngā mahi pāpāho. Ka whai tūranga ngā kaitōrangapū me ngā tāngata e mōhioitia nuitia ana i tō tātau taupori e whakahautia ana, e kawatautia ana te pātaitai me te āta tiro tiro i ā rātau kaupapahere, mahi, whanonga hoki. He hunga ēnei kua waia ki ngā uiuinga, kua tau ki te whakatu pātai ririhau me ētahi atu pāhotanga ka kīia he matatika kore mō te tangata kāore i te tino whai wāhi ki ngā mahi pāpāho.

[Ko Frewen me Te Reo Tātaki \(Television New Zealand Ltd\), Whakatau 2020-146B](#)

[Ko Bowkett me Discovery NZ Ltd, Whakatau 2020-103](#)

[Ko Cowie me Te Reo Irirangi o Aotearoa \(Radio New Zealand Ltd\), Whakatau 2020-133](#)

[Ko Downes, Penning, Maltby, Massie & Tang me NZME Radio Ltd, Whakatau 2020-123](#)

[Ko Marra me Mediaworks Radio, Whakatau 2019-023](#)

Ngā pāhotanga kāore i te tika mā te tamariki (kei te Pouaka Whakaata Koreutu)

Ko te hāora ka tīmata te tikanga pāho mā ngā kaimātakitaki 16 neke atu, hei te 8.30 i te pō i ngā Hongere Pouaka Whakaata Koreutu (kāore e whai pānga ki te Pouaka Whakaata Me Utu). Ko ngā hōtaka ka tohua ki te 16 ka taea te pāho atu i tēnei wā, ko ngā hōtaka ka tohua ki te 18 ka taea te pāho atu i te 9.30 i te pō. Kei te mārāma a Te Mana Whanonga Kaipāho kei waho kē ēnei hāora i te wā ka rite tonu te mātakitaki pouaka whakaata a ngā tamariki, tae atu ki ngā wīkene me ngā hararei kura. Ka raua atu ki ngā hōtaka e tika ana mā ngā pakeke ko ngā take pakeke, ko te reo pakeke, ko ngā mahi taikaha me ngā mahi taera hoki. Kei te whakaaetia kia nui ake ēnei āhuetanga ki roto i ngā hōtaka ka pāhotia hei ngā hāora o te pō. Ka whai kōwhiringa, ka whai mana ngā kaimātakitaki mō tā rātau e hiahia ana ki te mātakitaki mā runga i ngā āhuetanga o te wā ka pāhotia te hōtaka, te kōmakatanga ka tohua ki a ia, ngā whakatūpato ka pāhotia i mua i te hōtaka, ngā whakamārama ka tāia ki ngā puka pāpāho me ngā kōwhiringa matua hoki. Kua rite tonu te kore whakaae a Te Mana Whanonga Kaipāho ki ngā amuamu e pā ana ki ngā tino kaupapa pakeke kei ngā hōtaka ka pāhotia ki waho atu o ngā wā mātakitaki pouaka whakaata a ngā tamariki ina e wātea mai ana ēnei taputapu mō te kōwhiringa me te whai mana. Tērā ētahi atu pārongo mō ngā wā nei me ngā kōmakatanga ka taea te rapu ki [konei](#).

[Ko McMurchy me Te Reo Tātaki \(Television New Zealand\), Whakatau 2020-014](#)

[Ko Barnao me Mediaworks TV Ltd, Whakatau 2019-002](#)

[Ko Ross me Whakaata Māori \(Māori Television Service\), Whakatau 2017-045](#)

[Ko Ball me Te Reo Tātaki \(Television New Zealand Ltd\), Whakatau 2016-074](#)